



Inatsisartut suleriaasianni § 36, immikkoortoq 1 naapertorlugu Naalakkersuisunut apeqqutit imaatut saqqummiuppakka.

Naalakkersuisunut apeqqut: Palasissaaleqinerup ajoqissaaleqinerup kiisalu pattattussaaleqineq qaangerniarlugu matumuuna naalakkersuisut qanoq iliuseqarniarnersut matumuuna qulaani taasakka tunngavigalugit apeqqutit akissuteqarfigineqarnissaat tunngavigalugu saqqummiunniarpakka.
(Inatsisartuni ilaasortaq Hans Enoksen, Siumut)

Tunngavilersuut

Siullermik ilagiinni sulinerup sapinngisamik pitsaanerpaamik angusaqarfiusumillu suliffiunissaa tamatta pingartipparput innuttaasullu ilagiinni sullinneqarnerat eqqarsaatigalugu sapinngisamik aporfiusinnaasut qaangerniarnissaat soqutigissallugu.

Nunaqarfinni pattattussaaleqineq qanoq annertuutigaa? Aammalu pattattussanik pikkorissaanerit qanoq annertutigisumik ingerlanneqarpat?

Nunaqarfinni illoqarfinnilu ajoqissaaleqinerit qanoq annertutigippat? Aammalu qanoq pikkorissaanerit ilinniartitsinerillu ingerlanneqarpat?

Kiisalu palasissaaleqinerit ukiut kingulliit annertusiartuinnassasut ilimanarpoq palasit utoqqalisussat eqqarsaatigalugit. Palasissanik atuartitsinerit immikkut aaqqissuussiffineqassanersut naalakkersuisut pilersaaruteqarnersut paaserusunnarpoq.

Taamatut aperininnut tunngavigaara ilisimagakku illoqarfiit ilaat palaseqanngitsut tmannalu soorunami illoqarfinni eqqaamiuinilu najugaqartunut sunniuteqartarmat qanoq sukkanerusumik qaangerneqarsinnaanersut.

Aammalu palasinngorniat ilisimatusarfik aqutigalugu qanoq amerlatigippat? Kiisalu ilisimatusarfimmi atuartitsineq aqutigalugu palasinik amigaateqarneq qaangerneqarsinnaanersooq aammalu qanoq sukkatigisumik qaangerneqarsinnaanersooq paaserusunnarpoq.

Ilagiinnut aningaasalersuinerit Naalakkersuisut qanoq eqqarsarfigaat annertusaaniarnersut tassa aningaasaliissutinik qaffaaniarnersut paserusunnarpoq.

Tassani pivakka aserfallatsaaliinerit palasit illui, oqaluffiillu, minnerunngitsumillu palasit angalasarnerisa anigaasanik amerlanerusunik atugassaqartitaasinnaanerat eqqarsaatigalugu.

Neriuppunga apeqqutikka ersarissumik akineqarumaartut.